



INATSISARTUT

Peqqissutsimut Nunat Avannarliit Suleqatigiinnerannullu Naalackersuisoq
 Agathe Fontain

Ulloq: 10-05-2017

J.nr.: 01.38.01.03-00078

UPA 2017/128. Siunnersuummut ilassutitut apeqqutit.

Siunnersuummut ataatsimiititaliap aallarniutigalugu apeqquteqaataanut quliusunut akissuteqaat tiguneri ataatsimiititaliap uppersarpaa.

Ataatsimiititaliaq siunnersuummik suliaqarnermini ilassutitut apeqquteqarnissamut peqqutissaqalersitsivoq, makku allakkatigut akineqarnissaat qinnuigineqarputit:

- 1) Siunnersuummi § 7-imut tunngatillugu Allorfiup siulersuisuisa katitigaaneritut atatillugu siunnersuummi § 7 imm. 2 itisilernerqarnissaa ataatsimiititaliap kissaatigaa, taamaaliornikkut naalackersuisoqarfinit ukunannga sisamaasunit ilaasortassat sooq toqqarneqartassanersut sukumiinerusumik nassuiarneqarsinnaaqqullugu:
 - 1) Peqqissutsimut Naalackersuisoqarfik,
 - 2) Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoqarfik,
 - 3) Aningaasaqarnermut Naalackersuisoqarfik aamma
 - 4) Ilinniartitaanermut, Kultureqarnermut, Ilisimatusarnermut Ilageeqarnermullu
- 2) Atornerluisuusimasut imaluunniit alkologitut sulisimasut Allorfiup siulersuisuini ilaasortanngorsinnaanerit qulakkeerneqarsinnaanera pillugu Peqqissutsimut Naalackersuisoq siunnersuutissaqarpa, taamaaliornikkut tamakku misilittagaat Allorfik aqqutigalugu siammarterneqarsinnaammata?
- 3) Ilisimasat naapertorlugit alkologitut ilinniarneq ukiunik marlunnik sivilissuseqartarpoq. Allorfik aqqutigalugu neqerooruteqartartussat atornerluinnermut katsorsaasutut ilinniartitaanerat qanoq sivilisutigaa assigiinngissusaanullu suna tunuliaqutaava assigiinngissuserlu ilinniakkatigut tunngaveqarluartutut isumaqarfigineqarpa?

Kingusinnerpaamik ulloq 17. maj 2017-imi akissutisinissani ataatsimiititaliap naatsorsuutigaa. Akissut qarasaasiakkut ukununnga nassiunneqassaaq:

Side 1 af 2



INATSISARTUT

inatsisartut@inatsisartut.gl aamma jhh@inatsisartut.gl. Pappialanngorlugu uunga
nassiunneqassalluni: Inatsisartut Allattoqarfiat, Box 1060, 3900 Nuuk.

Ilaqutariinnermut Peqqissutsimullu Ataatsimiititaliaq

sinnerlugu

Martha Lund Olsen
Siulittaasoq